

Dui<sup>^</sup>-eh\_ sha<sup>ˇ</sup>-eh\_ La<sup>ˇ</sup>hu\_ ya<sup>ˇ</sup>  
hk'aw\_ ca<sup>ˇ</sup> paweh<sup>ˇ</sup>

A Crowded and Joyful Lahu New Year Festival



Lahu



Dui<sup>^</sup>-eh\_ sha<sup>ˇ</sup>-eh\_ La<sup>ˇ</sup>hu\_ ya<sup>ˇ</sup>  
hk'aw<sub>^</sub> ca<sup>ˇ</sup> paweh<sup>ˇ</sup>

A Crowded and Joyful Lahu New Year Festival

Bvuh<sub>^</sub> pa- Esther  
Aw<sub>^</sub> han saweh<sup>ˇ</sup> pa\_ - Ai\_ Yawn<sup>ˇ</sup> Kap<sup>^</sup>  
Chaw ceu<sub>^</sub> - La<sup>ˇ</sup>hu\_  
Yan\_ ve - Aw<sup>ˉ</sup> law<sup>ˉ</sup> te<sup>ˇ</sup> paw<sup>^</sup> yan\_ ve  
Aw<sub>^</sub> nyi - 2023 hk'aw<sub>^</sub> July ha pa

Author - Esther  
Illustrator - Ai Yawn Kap  
Edition - Test Edition  
Original Language - Lahu  
Date - July , 2023

Lahu  
Myanmar

Copyright © 2023, Northern Shan Lahu Literacy Group



<http://creativecommons.org/licenses/by-nc/4.0/>

You may not use this work for commercial purposes. You may adapt and add to this work. You must keep the copyright and credits for authors, illustrators, etc.



Hk'a^ aw\_ meh “ Gaw\_ da\_ hk'a^ ”  
 ceˇ. Yeh\_ g'o\_ ( 50 ) hk'e ceh caw\_ she\_ ve ,  
 maw\_ taw\_kaˇ ya\_ k'aw aw\_ haw\_ aw\_ na  
 caw zuhˇ leh chehˇ ta\_ ve hk'a^ teˇ hk'a^ yo\_  
 ceˇ. Hk'a^ u\_ lo suh^ tsuh naw\_ leh\_ fui\_ teh  
 ta\_ ve pa taw\_ gw\_ da\_ pui\_ - a\_ ceˇ. Laˇhu\_  
 yaˇ ve hk'aw\_ ka\_ ga\_ la paˇ neˇ yo\_ ceˇ.  
 Hk'aw\_ maˇ ga\_ she\_ aw\_ g'uˇ suh\_ gu hehnˇ  
 ve kan\_ te ve heu\_ jaˇ ceˇ.

Ya<sub>∧</sub> hk'a<sup>ˇ</sup>, hk'aw<sub>∧</sub> hta<sub>∧</sub> ha<sub>∧</sub> yu<sub>∨</sub> ga<sup>ˇ</sup> ve  
nyi ma caw<sub>∨</sub> ve pa taw ha leh<sub>∨</sub> ve aw<sub>∨</sub> hk'aw  
lo co<sup>ˇ</sup> ca<sup>ˇ</sup> te ve ce<sup>ˇ</sup>. Suh<sup>^</sup> tu<sup>-</sup> tu<sub>∨</sub> hka<sup>^</sup> ve, ca<sub>∨</sub>  
naw<sup>ˇ</sup> hk'a te<sub>-</sub> teh ve , nu<sub>∨</sub> shi<sub>-</sub> hpu<sup>-</sup>eh<sub>-</sub> ve ,  
aw<sub>∨</sub> hpfuh<sub>∧</sub> te<sub>-</sub> tu<sub>∨</sub> la<sub>∧</sub> cheh chi te<sup>ˇ</sup> hpa<sub>-</sub> gu  
hehn<sup>ˇ</sup> ca teh ve ce<sup>ˇ</sup>.

Na u<sup>-</sup>di<sub>∨</sub> leh aw<sub>∨</sub> nyi ma Na paw<sup>-</sup>di<sub>∨</sub>  
nyi<sup>ˇ</sup> g'a<sup>ˇ</sup> aw<sub>-</sub> te<sup>ˇ</sup>ca<sup>ˇ</sup> yeh<sub>∨</sub> hk'aw gu shi<sup>^</sup> ve ,  
yeh<sub>∨</sub> lon<sup>-</sup>ma aw<sub>∨</sub> hk'aw gu shi<sup>^</sup> ve heu<sub>∨</sub>  
tcuh-a<sub>∧</sub> ce<sup>ˇ</sup>. Kan<sup>-</sup>ga te pui<sup>-</sup> ve , ma<sup>ˇ</sup> baw<sub>∨</sub>  
pui<sup>-</sup> ve aw<sub>∨</sub> vi<sup>-</sup>aw<sub>∨</sub> nyi hta<sub>∧</sub> aw<sub>∨</sub> pa aw<sub>∨</sub> e  
ha<sub>∧</sub> ja<sup>ˇ</sup> ce<sup>ˇ</sup>. Shaw<sup>-</sup> paw<sub>-</sub> te<sup>ˇ</sup> nyi shu ve  
maw<sub>-</sub>taw<sub>-</sub>ka<sup>ˇ</sup> aw<sub>∨</sub> hk'a<sup>ˇ</sup> suh tcuh hk'aw lo  
veu<sub>∧</sub> k'a<sup>ˇ</sup> suh<sup>-</sup> ca nyi vui<sub>∨</sub>-e tu<sub>∨</sub> aw<sub>∨</sub> pon  
kan<sup>-</sup> ha<sup>^</sup> ha<sup>^</sup> ki<sub>-</sub> leh te ve ce<sup>ˇ</sup>.

Aw<sub>∨</sub> vi<sup>-</sup>aw<sub>∨</sub> nyi ha<sub>∧</sub> da<sub>∧</sub> pui<sup>-</sup> ve , te<sup>ˇ</sup>  
g'a<sup>ˇ</sup> hta<sub>∧</sub> te<sup>ˇ</sup> g'a ga da<sub>∧</sub> pui<sup>-</sup> ve , kan<sup>-</sup> ma<sup>ˇ</sup>  
feu<sub>-</sub> da<sub>∧</sub> pui<sup>-</sup> ve pa taw hk'aw<sub>∧</sub> hta<sup>ˇ</sup> yeh<sup>ˇ</sup> tu<sub>∨</sub>  
kan<sup>-</sup> gu hehn<sup>ˇ</sup> ve te<sup>ˇ</sup> geh te peu<sub>∨</sub> she-o<sub>∨</sub> ce<sup>ˇ</sup>.

“A pa a<sup>-</sup> neh<sub>∧</sub>- e o<sub>∨</sub>, veu<sub>∧</sub> k'a<sup>∨</sup> aw<sub>∨</sub> suh<sup>-</sup> ca vui<sub>∨</sub>-e tu<sub>∨</sub> hpu a ci<sup>-</sup> pe<sub>∧</sub> la<sup>∨</sup>ne<sub>∨</sub>” Na u<sup>-</sup> di<sub>∨</sub> k'o<sup>∧</sup> pi<sup>∨</sup> hta<sup>∨</sup>, va<sub>∧</sub> haw<sup>∨</sup> ta<sub>∨</sub> ve hpu te<sup>∨</sup> hko<sup>∨</sup> pi<sup>∨</sup> hk'a ve ce<sup>∨</sup>. Tcuh hk'aw caw to<sup>∨</sup> leh veu<sub>∧</sub> k'a<sup>∨</sup> heu<sup>∧</sup> ga<sup>∨</sup> ve hta<sub>∧</sub> g'a<sub>∧</sub> nyi to<sup>∨</sup> ve hkui g'aw<sup>∨</sup> ka<sub>∧</sub> suh ja<sup>∨</sup> peu<sub>∨</sub> ce<sup>∨</sup>. Aw<sub>∨</sub> chaw<sup>∨</sup> aw<sub>∨</sub> pa<sup>∧</sup> hui gui<sup>∨</sup> la k'o ca<sup>∨</sup> gui<sup>∨</sup> tu<sub>∨</sub> ka<sub>∧</sub> , aw<sub>∨</sub> chi<sup>∨</sup> aw<sub>∨</sub> pa<sup>∧</sup> ka<sub>∧</sub> vui<sub>∨</sub> peu<sub>∨</sub> , aw<sub>∨</sub> pa aw<sub>∨</sub> e veu<sub>∧</sub> k'a<sup>∨</sup> aw<sub>∨</sub> pon ka<sub>∧</sub> vui<sub>∨</sub> peu<sub>∨</sub>. Tcuh aw<sub>∨</sub> k'aw ji lo meh<sub>∨</sub> ja<sup>∨</sup> ve hkao<sub>∨</sub> saweh<sup>∨</sup> ca ca<sup>∨</sup> peu<sub>∨</sub> leh a<sup>-</sup> hk'aw k'aw<sub>∧</sub> la ve ce<sup>∨</sup>.

Maw<sup>∨</sup> vui<sub>∨</sub> pa<sub>∨</sub> ma<sup>∨</sup> ja<sup>∨</sup> leh maw<sub>∨</sub> taw<sub>∨</sub> ka<sup>∨</sup> hk'o<sup>∧</sup> maw<sup>∨</sup> hk'a bi<sup>∨</sup> yo<sub>∨</sub> ce<sup>∨</sup>. Chaw ka<sub>∧</sub> ceh<sub>∨</sub> ceh<sub>∨</sub> nu<sup>∧</sup> nu<sup>∧</sup> te k'aw<sub>∧</sub> la ve Na u<sup>-</sup> di<sub>∨</sub> te<sup>∨</sup> g'a<sup>∨</sup> ka<sup>∨</sup> bvuh<sup>∧</sup> ja<sup>∨</sup> ce<sup>∨</sup>.

Ca<sup>∨</sup> ta<sup>-</sup> ve hkao<sub>∨</sub> saweh<sup>∨</sup> ka<sub>∧</sub> aw<sub>∨</sub> pe<sub>∧</sub> nu<sub>∨</sub> hk'a<sup>∨</sup>-a te leh “ Aw<sub>∨</sub> eh<sub>∧</sub> aw<sub>∨</sub> eh<sub>∧</sub>” te hpe<sub>∧</sub> ve aw<sub>∨</sub> nyi ma Na paw<sup>-</sup> di<sub>∨</sub> a<sup>-</sup> po<sub>∧</sub> leh<sub>∨</sub> k'eh<sup>∧</sup> she<sub>∨</sub> leh g'a shi<sup>∧</sup> ba<sub>∨</sub> pi<sup>∨</sup> ve ce<sup>∨</sup>. Na u<sup>-</sup> di<sub>∨</sub> hpe<sub>∧</sub> ve aw<sub>∨</sub> g'a<sup>∨</sup> ka<sub>∧</sub> nu<sup>∨</sup> ja<sup>∨</sup> ce<sup>∨</sup>.

A<sup>-</sup> hk'aw ga<sub>~</sub> la hta<sup>~</sup>-eh<sub>-</sub> mvuh<sup>~</sup> haw hk'a<sup>~</sup>  
deh<sub>~</sub> g'a leh k'aw<sub>~</sub> cheh<sup>~</sup> sha la ve ce<sup>~</sup>.

Te<sup>~</sup> hkui g'a<sup>~</sup>jeh<sup>~</sup> g'a<sup>~</sup>peu<sub>~</sub> hta<sup>~</sup> veu<sub>~</sub> k'a<sup>~</sup>  
suh<sup>-</sup> hpeu<sub>~</sub> leh veu<sub>~</sub> nyi ve , meh<sup>^</sup> g'eu<sup>^</sup>  
htaw<sub>-</sub> nyi ve , htaw<sup>~</sup> hpfuh<sup>^</sup> naw<sub>-</sub> hpfuh<sup>^</sup> te  
leh ha leh<sub>~</sub> ve hk'e<sup>-</sup> le<sup>-</sup> hk'e<sup>-</sup> le<sup>-</sup> yo<sub>~</sub> ce<sup>~</sup>.  
Ha leh<sub>~</sub> cheh<sup>~</sup> hta<sup>~</sup> , Na law<sup>~</sup> meh<sup>^</sup> g'ui<sub>~</sub> sho<sup>~</sup>  
sho<sup>~</sup> te la<sub>~</sub> law ce<sup>~</sup>. Hk'aw<sub>~</sub> aw<sub>~</sub> pon gu  
hehn<sup>~</sup> ta<sub>-</sub> ve ca<sub>~</sub> naw<sup>~</sup> hk'a<sup>~</sup> htu<sup>-</sup> te<sup>~</sup> tawn ma<sup>~</sup>  
maw<sub>~</sub> leh Na law<sup>~</sup> hk'aw<sup>~</sup> ve teh<sub>~</sub> shu k'o<sup>^</sup>  
da<sub>~</sub> pi<sup>~</sup> law ce<sup>~</sup>.

Na u<sup>-</sup>di<sub>~</sub> daw<sup>~</sup> hk'a<sup>~</sup> pi<sup>~</sup> ve , “ Shu hk'a<sub>~</sub>  
hk'e k'o<sup>^</sup>la<sup>~</sup> ka<sub>~</sub> ya<sub>-</sub>pi<sup>~</sup>. Te<sub>~</sub> chi<sup>-</sup>ta<sup>~</sup> k'o<sup>^</sup>, ta<sup>~</sup>  
k'aw<sub>~</sub> de<sup>~</sup> da<sub>~</sub>. Naw<sub>~</sub> ma<sup>~</sup> te ta<sub>-</sub>ve k'o, yaw<sup>~</sup>  
hui shi<sub>-</sub>la tu<sub>~</sub>yo<sub>~</sub>” teh<sub>~</sub> k'o<sup>^</sup> ma<sub>-</sub> ve hk'e Na  
law<sup>~</sup> na yu<sub>~</sub> leh a<sup>-</sup> hk'aw k'o<sub>~</sub>-e ve ce<sup>~</sup>.

Na law<sup>~</sup>, te<sup>~</sup> nyi ca<sub>~</sub> naw<sup>~</sup> aw<sub>-</sub> ca<sup>-</sup> neh<sup>^</sup> leh  
teh gaw<sub>~</sub> ta<sub>-</sub> ve hta<sub>~</sub> aw<sub>~</sub> ba<sub>~</sub> lo ngeu<sub>-</sub> bvuh  
ta<sub>-</sub> pi<sup>~</sup> ve ce<sup>~</sup>.



Mvuh<sup>ˇ</sup> hpeu<sub>^</sub> hpaw<sup>ˇ</sup> va<sub>^</sub> te<sup>ˇ</sup> mo<sub>-</sub> lon<sup>-</sup>ga<sub>ˇ</sub>  
la leh shaw leh<sub>^</sub> , ca<sup>ˇ</sup> ve ce<sup>ˇ</sup>. Na law<sup>ˇ</sup> aw<sub>ˇ</sub>  
pa<sup>ˇ</sup> aw<sub>ˇ</sub> kui aw<sub>ˇ</sub> chaw<sup>ˇ</sup> hui hta<sub>^</sub> ku<sub>ˇ</sub> ma<sub>-</sub> pi<sup>ˇ</sup>  
ve , yaw<sup>ˇ</sup> hui te<sup>ˇ</sup> g'a<sup>ˇ</sup> hta<sub>^</sub> te<sup>ˇ</sup> g'a<sup>ˇ</sup> nyi da<sub>^</sub>  
she<sub>-</sub> leh Na law<sup>ˇ</sup> hta<sub>^</sub> ca law<sub>ˇ</sub> hkaw<sup>-</sup> la ve  
ce<sup>ˇ</sup>.

“ Nga<sub>ˇ</sub> hui naw<sub>ˇ</sub> hta<sub>^</sub>ca<sub>ˇ</sub> naw<sup>ˇ</sup> hk'a hk'aw<sup>ˇ</sup>  
pa<sub>-</sub> ” k'o<sup>^</sup> hk'ai<sup>-</sup> la<sup>ˇ</sup> ve hta<sub>^</sub> nga<sub>ˇ</sub> hui law<sub>ˇ</sub>  
hkaw<sup>-</sup> la<sup>ˇ</sup> ve yo<sub>ˇ</sub> meh<sub>-</sub>. Va<sub>^</sub> chi te<sup>ˇ</sup> mo<sub>-</sub> ca<sup>ˇ</sup>  
cheu<sup>ˇ</sup> ja<sup>ˇ</sup> ve yo<sub>ˇ</sub>. Va<sub>^</sub> aw<sub>ˇ</sub> mo<sub>-</sub> lon<sup>-</sup> htu<sup>-</sup> pui  
geu<sub>^</sub> pawn<sub>-</sub> leh yi-eh<sub>-</sub> hpeh<sub>^</sub> hk'a ga<sub>ˇ</sub> ca<sup>ˇ</sup>peu<sub>ˇ</sub>  
ta<sup>-</sup> la<sup>ˇ</sup> ve law ce<sup>ˇ</sup>.

Na law<sup>ˇ</sup> k'o<sup>^</sup> pi<sup>ˇ</sup> ve , “ Nga<sub>ˇ</sub> naw<sub>ˇ</sub> hui  
hta<sub>^</sub> ven<sup>ˇ</sup> ba<sup>^</sup> hpeh<sup>ˇ</sup> la<sup>ˇ</sup> ve yo<sub>ˇ</sub>”. Na u<sup>-</sup>di<sub>ˇ</sub>  
htaw<sup>ˇ</sup> yaw<sup>ˇ</sup> hui te<sup>ˇ</sup> g'a<sup>ˇ</sup> leh te<sup>ˇ</sup> g'a<sup>ˇ</sup> ven<sup>ˇ</sup> ba<sup>^</sup>  
hpeh<sup>ˇ</sup> da<sub>^</sub> ve aw<sub>ˇ</sub> he<sup>^</sup> la<sub>^</sub> k'aw<sub>-</sub> ca<sup>-</sup> da<sub>^</sub> tcuh  
peu<sub>ˇ</sub> leh a shu yaw<sup>ˇ</sup> a<sup>-</sup> hk'aw k'o<sub>^</sub>-e ve ce<sup>ˇ</sup>.  
“ Bon ui<sub>-</sub> ja<sup>ˇ</sup> meh<sub>-</sub> Na u<sup>-</sup>di<sub>ˇ</sub> o<sub>ˇ</sub>” Na law<sup>ˇ</sup> nyi  
ma sha la-o<sub>ˇ</sub> ce<sup>ˇ</sup>. Hk'aw<sub>^</sub> aw<sub>ˇ</sub> g'u<sup>ˇ</sup> suh<sub>-</sub> ven<sup>ˇ</sup>  
ba<sup>^</sup> hpeh<sup>ˇ</sup> da<sub>^</sub> g'a leh hkeh<sup>ˇ</sup>- a<sub>ˇ</sub> she<sub>^</sub> ce<sup>ˇ</sup>.

Shaw<sup>-</sup> na<sub>^</sub> hk'aw<sub>^</sub> suh<sup>-</sup> aw<sup>-</sup> law<sup>-</sup> te<sup>~</sup> nyi Na  
u<sup>-</sup> di<sub>~</sub> leh Na paw<sup>-</sup> di<sub>~</sub> aw<sub>~</sub> vi<sup>-</sup> aw<sub>~</sub> nyi nyi<sup>~</sup>  
g'a<sup>~</sup> g'ui<sub>~</sub> leh<sub>~</sub> te leh aw<sub>~</sub> pa aw<sub>~</sub> e hta<sub>^</sub> g'ui<sub>~</sub>  
tsuh<sup>~</sup> pi<sup>~</sup> ve ce<sup>~</sup>. Hpa<sup>-</sup> ce<sub>^</sub> te leh tsuh<sup>~</sup> pi<sup>~</sup> ta<sub>~</sub>  
ve hta<sub>^</sub> shi<sup>^</sup> vi pi<sup>~</sup> ve ce<sup>~</sup>. Aw<sub>~</sub> pa aw<sub>~</sub> e ka<sub>^</sub>  
ya<sup>~</sup> mi<sup>~</sup> nyi<sup>~</sup> g'a<sup>~</sup> hta<sub>^</sub> bon na<sub>^</sub> pi<sup>~</sup> ve , aw<sub>~</sub>  
pa aw<sub>~</sub> e geh hk'aw<sub>^</sub> suh<sup>-</sup> ve aw<sub>~</sub> bon g'a  
hkan<sub>~</sub> yu<sub>~</sub> ve ha leh<sub>~</sub> ja<sup>~</sup> ce<sup>~</sup>. Aw<sub>~</sub> pa aw<sub>~</sub> e  
hta<sub>^</sub> hk'aw<sub>^</sub> hta<sup>~</sup> ceh yaw<sup>^</sup> yan ve ma<sup>~</sup> he<sup>^</sup>  
hk'a<sub>~</sub> hta<sup>^</sup> ka<sub>^</sub> yaw<sup>^</sup> yan pui<sup>-</sup> ve , na yu<sub>~</sub> pui<sup>-</sup>  
ve ya<sup>~</sup> mi<sup>~</sup> nyi<sup>~</sup> g'a<sup>~</sup> hpeh<sub>^</sub> ve ce<sup>~</sup>.

Hk'aw<sub>^</sub> suh<sup>-</sup> nyi<sup>~</sup> nyi te<sup>~</sup> nyi – Na u<sup>-</sup> di<sub>~</sub>  
aw<sub>~</sub> vi<sup>-</sup> aw<sub>~</sub> nyi geh k'ai leh g'ui<sub>~</sub> leh<sub>~</sub> tsuh<sup>~</sup>  
pi<sup>~</sup> ve , la<sub>^</sub> shawn<sub>~</sub> pi<sup>~</sup> ve , la<sub>^</sub> k'aw<sub>~</sub> ca<sup>-</sup> pi<sup>~</sup>  
ve ce<sup>~</sup>. A<sup>-</sup> hk'aw lo aw<sub>~</sub> pa aw<sub>~</sub> e aw<sub>~</sub> chi<sup>~</sup>  
meh<sub>~</sub> meh<sub>~</sub> te teh ta<sub>~</sub> la<sup>~</sup> ve law. Yeh<sub>~</sub> ya<sup>~</sup>  
k'a ya<sup>~</sup> ha leh<sub>~</sub> ha k'a ca<sup>~</sup> peu<sub>~</sub> hta<sup>~</sup>, te<sup>~</sup>  
hk'a<sup>^</sup> ma bon yeh<sub>~</sub> ho<sub>~</sub> va<sup>~</sup> k'eh<sub>~</sub> kui<sub>~</sub> lo nyi  
sha tu<sub>~</sub> hk'a deh<sub>^</sub> gu hehn<sup>~</sup> ta<sub>~</sub> kui<sub>~</sub> lo te<sup>~</sup>  
yeh<sub>~</sub> le le hta<sub>^</sub> ya<sup>~</sup> neh<sub>~</sub> hui g'ui<sub>~</sub> leh yu<sub>~</sub> la  
leh tsuh<sup>~</sup> pi<sup>~</sup> ve ce<sup>~</sup>.

Hk'a peú-e, tsuh peú k'o, te hk'aw le te jaw ve Na va te yeh la shawn gu la ve ce. Te yeh le le hta la shawn te yeh te ceu te pi ve ce. Chaw mo lon ka aw hpfuh, va sha te yeh a ci la shawn te pi ve ce. Te g'a le le ha leh ve meh hpfuh she leh te leh nyi ma sha ja ce.

Hk'aw suh sheh nyi te nyi – Bon tcuh pui lo k'ai leh naw meu, k'a hk'e ve, ya neh hui cehn daw, bon daw paweh te ma ve, La hu hk'aw ca ve li hkaw hpaw leh paweh te ma ve ka heu tcuh-a ce. Bon kan te pa hui hta ta ui yaw yan pi ve, la shawn pi ve, g'ui leh te leh tsuh pi ve, aw han ka hpo htawn ve dui eh sha eh yo.

Chi te nyi ceh ti hk'a sheh a k'a ( ma he k'o) cheh kui aw ti k'eh ve bon yeh ho va lo hk'aw aw hki hk'a deh shaw ta kui lo k'ai ve ce.

Aw<sup>-</sup> law<sup>-</sup> chaw<sup>ˇ</sup> maw<sup>ˇ</sup> , hk'a<sup>^</sup> ho<sup>-</sup>  
law<sub>ˇ</sub> na<sub>ˇ</sub> hui , ku<sub>ˇ</sub> ta<sub>ˇ</sub> ve hkeh<sup>-</sup> chaw hta<sub>^</sub>  
ta<sub>ui</sub><sub>ˇ</sub> yaw<sup>^</sup> yan ve hk'aw ya<sup>ˇ</sup> neh<sub>ˇ</sub> hui chaw  
ceu<sub>ˇ</sub> veu<sub>^</sub> k'a<sup>ˇ</sup> hk'a deh<sub>^</sub> veu<sub>^</sub> , g'ui<sub>ˇ</sub> leh<sub>ˇ</sub>  
tsuh<sup>ˇ</sup> pi<sup>ˇ</sup> ve , la<sub>^</sub> shawn<sub>ˇ</sub> pi<sup>ˇ</sup> ve hta<sub>^</sub> te ve  
yo<sub>ˇ</sub>. Hpaw paweh<sup>ˇ</sup> hta<sub>^</sub> hk'a<sup>^</sup> sheh awn<sup>ˇ</sup> leh ,  
shu a<sub>^</sub> keh<sup>-</sup> maw<sup>ˇ</sup> ve te<sup>ˇ</sup> g'a<sup>ˇ</sup> hta<sub>^</sub> bon na<sub>^</sub>  
hkaw<sup>ˇ</sup> yaw tcuh leh bon na<sub>^</sub> la<sup>ˇ</sup> ve ce<sup>ˇ</sup>.

Hpaw paweh<sup>ˇ</sup> peu<sub>ˇ</sub> k'o, haw<sup>-</sup> hk'a<sup>^</sup> hui  
naw<sub>ˇ</sub> meu<sup>^</sup>, k'a<sub>ˇ</sub> hk'e<sup>^</sup> ve hta<sub>^</sub> te ve yo<sub>ˇ</sub>. Ya<sup>ˇ</sup>  
mi<sup>ˇ</sup> chaw maw<sup>ˇ</sup> hui aw<sub>ˇ</sub> hk'aw<sub>^</sub> naw<sup>-</sup> vaw<sup>-</sup>  
leh<sub>ˇ</sub> la<sub>^</sub> sheh ca<sup>-</sup> leh “ Sha<sub>ˇ</sub> shi<sup>-</sup> sha<sub>ˇ</sub> ” te ve  
ce<sup>ˇ</sup>. Caw<sup>ˇ</sup> da<sub>^</sub> hui da<sub>^</sub> ve tcuh<sup>-</sup> kui<sub>ˇ</sub> k'o<sup>^</sup> ga<sup>ˇ</sup>  
ve ce<sup>ˇ</sup>. Ya<sup>ˇ</sup> mi<sup>ˇ</sup> aw<sub>ˇ</sub> mo<sub>ˇ</sub> , ya<sup>ˇ</sup> eh<sup>-</sup> , ya<sup>ˇ</sup>  
neh<sub>ˇ</sub> hui htaw<sup>ˇ</sup> cehn<sub>ˇ</sub> daw<sup>^</sup> bon daw<sup>^</sup> , sheh<sub>ˇ</sub>  
heh<sup>^</sup> paweh<sup>ˇ</sup> naw te ma<sub>ˇ</sub> ve nyi sha tcuh-a<sub>^</sub>  
ce<sup>ˇ</sup>.

Te<sup>ˇ</sup> paw<sup>^</sup> ya<sup>ˇ</sup> eh<sup>-</sup> aw<sub>ˇ</sub> mo<sub>-</sub> , ya<sup>ˇ</sup> neh<sub>ˇ</sub> aw<sub>ˇ</sub>  
mo<sub>-</sub> hui , li<sub>^</sub> hkaw<sup>ˇ</sup> hpaw ta<sub>-</sub> leh paweh<sup>ˇ</sup> te  
ve heu<sup>ˇ</sup> teh<sub>ˇ</sub> teh<sub>ˇ</sub> yo<sub>ˇ</sub> ce<sup>ˇ</sup>.

Chaw maw<sup>ˇ</sup> te<sup>ˇ</sup> hpa<sub>-</sub>, hkeh<sup>-</sup> chaw hui a<sup>-</sup> po  
k'o hk'aw mui leh aw<sub>ˇ</sub> g'a<sup>ˇ</sup> pi<sup>ˇ</sup> cheh<sup>ˇ</sup> ve ce<sup>ˇ</sup>.  
Aw<sub>-</sub> te ca<sup>ˇ</sup> yeh<sub>ˇ</sub> lo kan<sup>-</sup> te pa<sub>-</sub> ya<sup>ˇ</sup> aw<sub>ˇ</sub> e hui  
kui<sub>ˇ</sub> sho<sup>ˇ</sup> sho<sup>ˇ</sup> te leh aw<sub>-</sub> hpfuh<sub>^</sub> hu ca<sub>-</sub> ve ,  
la<sub>ˇ</sub> g'ui<sub>ˇ</sub> teh taw ve , hkeh<sup>-</sup> chaw leh hk'a<sup>^</sup>  
ya<sup>ˇ</sup> hui aw<sub>ˇ</sub> chaw<sup>ˇ</sup> mui<sub>ˇ</sub> leh te<sup>ˇ</sup> po<sub>ˇ</sub> hti ca<sup>ˇ</sup>  
hti daw<sub>ˇ</sub> paweh<sup>ˇ</sup> gu hehn<sup>ˇ</sup> ve heu<sub>ˇ</sub> ja<sup>ˇ</sup> , a<sub>ˇ</sub> mi<sub>-</sub>  
chi<sup>^</sup> ka<sub>^</sub> ha leh<sub>ˇ</sub> kan<sup>-</sup> te ve dui<sup>^</sup>-eh<sub>-</sub> sha<sup>ˇ</sup>-eh<sub>-</sub>  
yo<sub>ˇ</sub> ce<sup>ˇ</sup>.

Taw<sup>ˇ</sup> pao<sup>-</sup> pa<sub>-</sub> ka<sub>^</sub> yaw<sup>ˇ</sup> kan<sup>-</sup> yaw<sup>ˇ</sup> te  
ja<sup>ˇ</sup>. Shi<sub>-</sub> pi<sup>ˇ</sup> ka<sup>ˇ</sup> pi<sup>ˇ</sup> tu<sub>ˇ</sub> caw<sub>ˇ</sub> k'o, aw<sub>ˇ</sub> hkaw<sup>ˇ</sup>  
bvuh<sub>ˇ</sub> chaweh pao<sup>-</sup> pi<sup>ˇ</sup> hk'a ve ce<sup>ˇ</sup>. Pao<sup>-</sup> tu<sub>ˇ</sub>  
ma<sup>ˇ</sup> caw<sub>ˇ</sub> k'o , paweh<sup>ˇ</sup> te cheh<sup>ˇ</sup> pa<sub>-</sub> hui ve  
aw<sub>ˇ</sub> ho<sub>^</sub> aw<sub>ˇ</sub> han hta<sub>^</sub> aw<sub>ˇ</sub> hkaw<sup>ˇ</sup> bvuh<sub>ˇ</sub>  
chaweh ha leh<sub>ˇ</sub> tu<sub>ˇ</sub> k'o<sup>^</sup> gui<sup>ˇ</sup> pi<sup>ˇ</sup> cheh<sup>ˇ</sup> ve  
ce<sup>ˇ</sup>.

Mvuh<sup>ˇ</sup> cha chi<sup>^</sup> hta<sup>ˇ</sup> naw<sub>-</sub> meu<sup>^</sup> k'a<sub>-</sub>  
hk'e<sup>^</sup> paweh<sup>ˇ</sup> te cheh<sup>ˇ</sup> pa<sub>-</sub> hui hkan<sub>-</sub> g'a<sup>ˇ</sup> leh  
meh<sup>^</sup> hpfuh<sup>ˇ</sup> she<sub>-</sub> leh<sub>ˇ</sub> paweh<sup>ˇ</sup> te g'a cheh<sup>ˇ</sup>  
ve ce<sup>ˇ</sup>.

Ya<sup>ˇ</sup> mi<sup>ˇ</sup> ha<sup>-</sup> , chaw ha<sup>-</sup> hui ka<sub>^</sub> aw<sub>ˇ</sub> hki<sup>ˇ</sup>  
aw<sub>ˇ</sub> na<sub>ˇ</sub> hk'a deh<sub>^</sub> shaw<sub>-</sub> leh , la<sup>ˇ</sup> hu<sub>-</sub> veu<sub>^</sub>  
k'a<sup>ˇ</sup> hk'a deh<sub>^</sub> taw<sup>-</sup> veu<sub>^</sub> leh , aw<sub>ˇ</sub> han daw<sup>^</sup>  
gui<sup>ˇ</sup> cheh<sup>ˇ</sup> ve ka<sub>^</sub> pi<sub>-</sub> aw<sub>-</sub> ja<sup>ˇ</sup> ce<sup>ˇ</sup>.

Mvuh<sup>ˇ</sup> hpeu<sub>^</sub> hpaw<sup>ˇ</sup> aw<sub>-</sub> ca<sup>ˇ</sup> peu<sub>ˇ</sub> kan<sup>-</sup>  
peu<sub>ˇ</sub> hta<sup>ˇ</sup> , ya<sup>ˇ</sup> aw<sub>ˇ</sub> e hui ka<sub>^</sub> la<sup>ˇ</sup> hu<sub>-</sub> veu<sub>^</sub> k'a<sup>ˇ</sup>  
suh<sup>-</sup> taw<sup>-</sup> ta<sub>-</sub> ve , hk'a shu-eh<sub>-</sub> veu<sub>^</sub> leh  
paweh<sup>ˇ</sup> k'aw<sub>^</sub> te ma<sub>-</sub> ve nyi sha ja<sup>ˇ</sup> law ce<sup>ˇ</sup>.  
Yaw<sup>ˇ</sup> hui aw<sub>ˇ</sub> hpaw<sup>ˇ</sup> aw<sub>ˇ</sub> g'a<sup>ˇ</sup> pi<sup>ˇ</sup> ve la<sub>^</sub>  
sheh hta suh<sup>^</sup>- eh<sub>-</sub> yo<sub>ˇ</sub> ce<sup>ˇ</sup>.

Mvuh<sup>ˇ</sup> hpeu<sub>^</sub> hpaw<sup>ˇ</sup> k'a<sub>-</sub> hk'e<sup>^</sup> paweh<sup>ˇ</sup>  
ho<sup>^</sup> ve aw<sub>ˇ</sub> yan<sup>ˇ</sup> ga<sub>ˇ</sub> la peu<sub>ˇ</sub>. Hk'a<sup>^</sup> sheh aw<sub>ˇ</sub>  
ho<sup>-</sup> te leh , hk'aw<sub>^</sub> sho keu te peu<sub>ˇ</sub> hta<sup>ˇ</sup> heh<sub>^</sub>  
hk'a peu-e<sub>ˇ</sub> a shu yaw<sup>ˇ</sup> a<sup>-</sup> hk'aw k'o<sub>^</sub>-e ve  
ce<sup>ˇ</sup>.

Hk'aw<sub>^</sub> suh<sup>-</sup> aw<sup>~</sup> nyi – Haw<sup>-</sup> hk'a<sup>^</sup> ui<sub>-</sub> ya<sup>~</sup> ,  
i ya<sup>~</sup> hui aw<sub>~</sub> pa<sup>-</sup> shaw<sub>-</sub> leh hkaw<sub>-</sub> daw<sup>^</sup> en<sub>-</sub>  
da<sub>^</sub> ve , ya<sup>~</sup> mi<sup>~</sup> ui<sub>-</sub> ve , i ve ga<sup>-</sup> na<sup>^</sup> paw<sup>^</sup>  
en<sub>-</sub> da<sub>^</sub> ve heu<sub>~</sub> ka<sub>^</sub> ha leh<sub>~</sub> ja<sup>~</sup> ce<sup>~</sup> .

Hkaw<sub>-</sub> daw<sup>^</sup> en<sub>-</sub> da<sub>^</sub> hta<sup>~</sup> , mui nyi aw<sub>~</sub>  
g'a<sup>~</sup> pi<sup>~</sup> pa<sub>-</sub> hui hta<sub>^</sub> ma<sup>~</sup> g'a<sup>^</sup> heu<sup>^</sup> la tu<sub>~</sub> vui<sup>~</sup>  
kui<sub>~</sub> lo mui leh aw<sub>~</sub> g'a<sup>~</sup> pi<sup>~</sup> tcuh ve ce<sup>~</sup> .

Chaw ha<sup>-</sup> , ya<sup>~</sup> mi<sup>~</sup> ha<sup>-</sup> hui hkeh shi<sub>-</sub> ba<sub>~</sub>  
gui<sup>~</sup> ve ka<sub>^</sub> pi-aw<sub>-</sub> ja<sup>~</sup> ce<sup>~</sup> . Ya<sup>~</sup> neh<sub>~</sub> hui  
htaw<sup>~</sup> aw<sub>~</sub> chaw<sup>~</sup> chaw<sup>~</sup> ha leh<sub>~</sub> tu<sub>~</sub> hkeh shi<sub>-</sub>  
ba<sub>~</sub> da<sub>^</sub> gui<sup>~</sup> ve ce<sup>~</sup> . Shon<sup>~</sup> ve te<sup>~</sup> g'a<sup>~</sup> k'o ,  
hkao<sub>-</sub> mon<sup>~</sup> vui<sub>~</sub> ca<sub>-</sub> da<sub>^</sub> ve ce<sup>~</sup> .

Hk'aw<sub>^</sub> ca<sup>~</sup> hta<sup>~</sup> shin<sup>-</sup> nyi hta<sub>^</sub> ma<sup>~</sup> shaw<sub>-</sub>  
ce<sup>~</sup> . Hk'aw<sub>^</sub> hta<sup>~</sup> chaw suh pui<sup>-</sup> law k'o ka<sub>^</sub>  
ma<sup>~</sup> shaw<sub>-</sub> aw<sub>~</sub> hk'aw<sub>^</sub> naw<sup>-</sup> te<sup>~</sup> nyi g'a<sup>^</sup>  
k'aw<sub>^</sub> te ve ce<sup>~</sup> .

Hk'a<sup>^</sup> sheh geh k'a<sub>-</sub> hk'e<sup>^</sup> peu<sub>~</sub> ta<sup>-</sup> hta<sup>~</sup> -  
eh<sub>-</sub> aw<sub>~</sub> nu te<sup>~</sup> hk'a<sup>^</sup> lo ca gui<sup>~</sup> -e hpeh<sub>^</sub> ve  
ce<sup>~</sup> .

Hk'aw<sub>^</sub> suh<sup>-</sup> nga<sup>~</sup> nyi , hkaw<sub>^</sub> nyi , suh<sub>-</sub> nyi  
hk'a ga<sub>~</sub> vui<sup>~</sup> kui<sub>~</sub> aw<sub>~</sub> vi<sup>-</sup> aw<sub>~</sub> nyi geh ca  
gui<sup>~</sup> to<sup>~</sup> ve hta<sub>^</sub> te ve ce<sup>~</sup>. Hi<sup>-</sup>ny<sup>i</sup> bi<sup>~</sup>peu<sub>~</sub> leh  
k'aw<sup>~</sup> nyi te<sup>~</sup> shaw<sup>-</sup> hta<sup>~</sup>, hk'aw<sub>^</sub> taw<sup>^</sup>-e leh  
sha<sub>-</sub> baw<sup>^</sup> , law<sub>~</sub> k'a<sup>-</sup> nga<sup>~</sup> ca ve hta<sub>^</sub> te ve  
ce<sup>~</sup>. Chi leh<sub>~</sub> la<sup>~</sup>hu<sub>-</sub> ya<sup>~</sup> ve aw<sub>~</sub> li<sup>~</sup>, ha leh<sub>~</sub>  
tu<sub>~</sub> hpeh<sub>^</sub> ve yo<sub>~</sub> ce<sup>~</sup>.

Na u<sup>-</sup>di<sub>~</sub> leh aw<sub>~</sub> chaw<sup>~</sup> hui ci<sub>~</sub> hk'aw<sub>^</sub>,  
hk'aw<sub>^</sub> aw<sub>~</sub> hkui<sup>-</sup> pui<sub>-</sub> tan<sub>~</sub> leh peu<sub>~</sub> hta<sup>~</sup>  
hk'a ga<sub>~</sub> g'a pi-aw<sub>-</sub> ta<sup>-</sup> ve pa taw nyi hk'a<sup>~</sup>  
suh ha leh<sub>~</sub> ja<sup>~</sup> ce<sup>~</sup>. Neh<sup>-</sup> hk'aw<sub>^</sub> te<sup>~</sup> paw<sup>^</sup>  
dui<sup>^</sup>-eh<sub>-</sub> sha<sup>~</sup>-eh<sub>-</sub> k'aw<sub>^</sub> pi-aw<sub>-</sub> gui<sup>~</sup> tu<sub>~</sub> nyi  
ma hk'aw k'aw<sub>^</sub> cha<sup>^</sup> kui ta<sub>-</sub> ve ce<sup>~</sup>.

“ Ha<sub>^</sub> pehn<sup>~</sup> ve hk'a<sup>^</sup> ” k'o<sup>^</sup> ve hk'a shu<sub>-</sub>  
hk'aw<sub>^</sub> ca<sup>~</sup> paweh<sup>~</sup> te<sup>~</sup> ma<sub>~</sub> lon<sup>-</sup> de<sup>~</sup> da<sub>^</sub> ya<sub>^</sub>  
da<sub>^</sub> ve ma<sup>~</sup> caw<sub>~</sub>, caw<sup>~</sup> da<sub>^</sub> hui da<sub>^</sub> ve hk'aw  
te<sup>~</sup> nyi te<sup>~</sup> ceu<sub>~</sub> aw<sub>~</sub> hk'a<sup>~</sup> gu leh g'a ha leh<sub>~</sub>  
ta<sup>-</sup> ve hk'a<sup>^</sup> sheh leh hk'a<sup>^</sup> ya<sup>~</sup> hui hk'a peu-  
e<sub>~</sub> ha leh<sub>~</sub> nyi hk'a<sup>~</sup> suh ja<sup>~</sup> ce<sup>~</sup>.



Aw<sub>∨</sub> nu te<sup>∨</sup> hk'a<sup>^</sup> g'a<sup>∨</sup> ca hk'aw<sub>∧</sub> la ve  
k'a<sub>-</sub> hk'e<sup>^</sup> pa<sub>-</sub> hui hta<sub>∧</sub> la<sub>∧</sub> k'aw<sub>-</sub> hpo<sup>^</sup> ca<sup>-</sup>  
pi<sup>∨</sup> leh, hk'a<sup>^</sup> sheh aw<sub>∨</sub> to,

“ Neh<sup>-</sup> hk'aw<sub>∧</sub> te<sup>∨</sup> paw<sup>^</sup> ha leh<sub>∨</sub> ha k'a te<sup>∨</sup>  
paw<sup>^</sup> k'aw<sub>∧</sub> maw<sub>∨</sub> da<sub>∧</sub>-a le<sup>∨</sup>" ce<sup>∨</sup>.

Chi hk'aw<sub>∧</sub> la<sup>∨</sup> hu<sub>-</sub> ya<sup>∨</sup> ve hk'aw<sub>∧</sub> ca<sup>∨</sup>  
paweh<sup>∨</sup> dui<sup>^</sup> dui<sup>^</sup> sha<sup>∨</sup> sha<sup>∨</sup> la<sup>∨</sup> hu<sub>-</sub> ya<sup>∨</sup> ve  
daw<sup>∨</sup> naw<sup>∨</sup> tu<sub>∨</sub> te<sup>∨</sup> ceu<sub>∨</sub> yo<sub>∨</sub>.



